

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE

Dom naroda

Predstavnički dom

Broj: 01/c,02/c-14 -3-975/15

Sarajevo, 3. 7. 2015. godine

Na osnovu člana 64. stav 1. tačka b), člana 65. i člana 70. stav (1) Zakona o javnim nabavkama („Službeni glasnik BiH“, broj 39/14), čl. 11. i 12. Pravilnika o nabavci roba, vršenju usluga i ustupanju radova Doma naroda Parlamenta Federacije Bosne i Hercegovine, broj: 02/c-14-165/15 od 28.1.2015. godine i Preporuke Komisije za provođenje postupka javne nabavke Doma naroda Parlamenta Federacije Bosne i Hercegovine, broj: 01/c,02/c-14-3-806/15 od 2. 7. 2015. godine, u postupku javne nabavke kopir mašine za potrebe Zajedničke službe Parlamenta Federacije Bosne i Hercegovine u konkurentskom zahtjevu za dostavu ponuda, sekretar Doma naroda i v.d. sekretara Predstavničkog doma, donijeli su

ODLUKU o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke Doma naroda Parlamenta Federacije Bosne i Hercegovine, broj: 01/c,02/c-14-3-806/15 od 2. 7. 2015. godine i ugovor za javnu nabavku kopir mašine za potrebe Zajedničke službe Parlamenta Federacije Bosne i Hercegovine dodjeljuje se ponuđaču „**RACIONAL d.o.o.**“, **Grbavička 6 71000 Sarajevo**, ponuda broj: 259/15 od 1. 7. 2015. godine, za ponudenu cijenu od 24.796,00 KM (slovima: dvadesetčetirihiljade sedamstotinadevedesetšest KM), bez PDV-a., kao najbolje ocijenjenom.

Član 2.

Prijedlog ugovora o nabavci dostavit će se na potpis izabranom ponuđaču „**RACIONAL d.o.o.**“ u roku od 10 dana, računajući od dana od kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke odgovorni su sekretar Doma naroda i v.d. sekretara Predstavničkog doma Parlamenta Federacije Bosne i Hercegovine.

Član 4.

Ova odluka objavit će se na web-stranici Doma naroda Parlamenta Federacije Bosne i Hercegovine, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

O b r a z l o ž e n j e

Postupak javne nabavke pokrenut je Rješenjem o pokretanju postupka javne nabavke broj: 01/c,02/c-14-3-806/15 od 26. 5. 2015. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost javne nabavke je 25.000,00 KM bez PDV-a.

Obavještenje o nabavci broj: 56-7-1-21-3-7/15 poslato je na objavu 12.6.2015.godine, a objavljeno je na Portalu javnih nabavki dana 12.6.2015.godine.

Zahtjev za dostavu ponuda je proslijeđen sljedećim ponuđačima (istovremeno sa slanjem obavijesti na Portal javnih nabavki):

1. Ponuđaču: SENSO mikro d.o.o., Olovska 42, 71000 Sarajevo,
2. Ponuđaču: RACIONAL d.o.o. , Grbavička 6 71000 Sarajevo,
3. Ponuđaču: KONICA MINOLTA poslovna rješenja BH d.o.o. Azize Šaćirbegović 1, 71000 Sarajevo

Na navedeni zahtjev za dostavu ponuda blagovremeno su pristigle sljedeće ponude:

1. RACIONAL d.o.o.“, Grbavička 6 71000 Sarajevo,
2. SENSO mikro d.o.o., Olovska 42, 71000 Sarajevo,
3. KONICA MINOLTA poslovna rješenja BH d.o.o. Azize Šaćirbegović 1, 71000 Sarajevo

Komisija za provođenje postupka javne nabavke Doma naroda Parlamenta Federacije Bosne i Hercegovine imenovana je Rješenjem broj: 02/c-14-1540/14 od 24. 12. 2014. godine.

Komisija za javnu nabavku dostavila je 2. 7. 2015. godine sekretaru Doma naroda i v.d. sekretaru Predstavničkog doma Zapisnik o ocjeni ponuda i Preporuku o izboru najpovoljnijeg ponuđača broj: 01/c,02/c-14-3-806/15 od 2. 7. 2015. godine, u postupku javne nabavke kopir mašine za potrebe Zajedničke službe Parlamenta Federacije Bosne i Hercegovine, radi donošenja Odluke o izboru najpovoljnijeg ponuđača.

U postupku po izvještaju o radu je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda **3 (tri)**;
- da su blagovremeno zaprimljena **3 (tri)** ponude;
- da su neblagovremeno zaprimljene **0** ponuda.
- da su **2 (dvije)** ponude prihvatljive i to ponude ponuđača: „RACIONAL d.o.o.“, Grbavička 6 71000 Sarajevo i KONICA MINOLTA poslovna rješenja BH d.o.o. Azize Šaćirbegović 1, 71000 Sarajevo, **prihvatljive**,
- da ponuda ponuđača **SENSO mikro d.o.o., Olovska 42, 71000 Sarajevo nije prihvatljiva** iz sljedećih razloga:

U skladu sa članom 68. stav (4) tačka i) i članom 58. stav (2) Zakona o javnim nabavkama („Službeni glasnik BiH“ 39/14) i tačkom 4.2.2. Tenderske dokumentacijom broj: 01/c,02/c-14-3-806/15 od 12.06.2015. godine, ne ispunjava zahtjeve iz tenderske dokumentacije jer nije „čvrsto“ uvezana na način da se onemogućiti naknadno vađenje ili umetanje listova niti su sve strane ponude numerisane. Pod „čvrstim“ uvezom se podrazumjeva da je ponuda ukoričena u knjigu ili ponuda osigurana jemstvenikom što kod predmetnog ponuđača nije bio slučaj.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, sekretar Doma naroda i v.d. sekretar Predstavničkog doma nisu našli razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskim dokumentom.

Uvidom u priloženu dokumentaciju, nesporno je da je izabrani ponuđač najbolje ocijenjen na osnovu kriterija najniže cijene, čime je utvrđena rang lista ponuđača te utvrđen sukcesivni red:

	Naziv / ime ponuđača	Ponuđena cijena (bez PDV-a)	Ponuđeni popust	Ukupna cijena sa popustom (bez PDV-a)
1.	Racional d.o.o.	24.796,00 KM	0,00 KM	24.796,00 KM
2.	Konica Minolta poslovna rješenja BH d.o.o.	24.882,00 KM	0,00 KM	24.882,00 KM

Iz navedenih razloga, primjenom člana 64. stava (1) tačka b) i člana 70. Zakona o javnim nabavkama, te člana 12. Pravilnika o nabavci roba, vršenju usluga i ustupanju radova Doma naroda Parlamenta Federacije Bosne i Hercegovine, odlučeno je kao u dispozitivu ove Odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 5 (pet) dana od dana prijema ove Odluke.

v.d. SEKRETARA
PREDSTAVNIČKOG DOMA

Daniela Cegar
Daniela Cegar

SEKRETAR
DOMA NARODA

Izmir Hadžić
Izmir Hadžić

Dostavljeno:

- Sekretaru Doma naroda,
- v.d. sekretara Predstavničkog doma,
- Racional d.o.o., Grbavička 6 71000 Sarajevo,
- Senso mikro d.o.o., Olovska 42, 71000 Sarajevo,
- Konica Minolta poslovna rješenja BH d.o.o. Azize Šaćirbegović 1, 71000 Sarajevo,
- Komisiji za provođenja postupka javnih nabavki Doma naroda,
- Komisiji za provođenje postupka javnih nabavki Predstavničkog doma,
- Službi računovodstva,
- a/a.

07.07.2015.
OT PR, fax, poš.
M. Ullikata